

近代中國史料叢刊第九十輯
沈雲龍主編

洪憲慘史・復辟詳志

王建中著
張翹龔

文海出版社
有限公司印行

北平王達中著

洪憲慘史

京畿軍政執法處
冤獄錄



相 肖 者 著

序

民國十年春。余以地方行政會議北上。與故人王君樹承遇於京師。既握手道契闊。旋出其所爲洪憲慘史見示。余披閱一過。不禁始而喜。繼而悲。且愧。終更令我抱無窮之感也。樹承自癸丑後。經三度被捕。獄急幾無生理。乃覆盆終雪。聲望益彰。俾八年舊交。猶得杯酒歡呼。從容于几席之上。此余所以始而喜也。民國紀元未及一紀中間。如二次革命之獄。洪憲帝制之獄。直皖戰爭之獄。仁人志士。剜胸斷脰。血肉橫飛。冤慘之氣。彌塞六合。樹承所記錄者。特千百中之一二耳。然其間可驚可愕之事。已足令人欲卒讀而不忍。况尙有爲樹承聞見所不及。而冤抑更甚於此者乎。嗚呼。悲矣。抑余猶憶民國二年。與樹承集會于津滬間。草檄數千言。所以聲討袁氏者。不遺餘力。以視諸君子。或以莫須有之事。而被捕。或以一二字之微。而見殺。其情跡之大小。輕重爲何如。若以軍政執法處之法繩之。罪且浮於丘山矣。乃死者死。而捕者捕。余獨逍遙窮山不與其

難。是余當日之得不死者亦倖耳。此余所以對樹承而生愧者也。夫古今政治之趨勢。由治入亂易。撥亂返治難。袁氏之時。淫刑以逞。廉耻道喪。亂機四伏。遂一發而不可收拾。今則南北分爭。假使日甚連年兵燹。民不聊生。其強者則斬木揭竿。鋌而走險。其弱者則胥走流離。宛轉哀呼於鋒刃之下。余此三年中。出入兵間。目見耳聞。無非慘史。倘長此終古。恐樹承所記載將墨乾筆禿而未有已也。嗟彼舟流。莫知所屆。無窮之感。余又安能自己哉。然則此書之作。所以懲已往。以戒將來。如自叙所云。使非法殺人機關。再不至發見於共和時代者。此即作者之微旨也。若以旁書目之。則淺之乎視樹承矣。

龍岩鄭豐稔序於京寓

序

國於大地之上。而欲自立。必貴豪志士。各得奔走服務。不遭橫折。遂其中流擊楫之心。斯正氣伸。而國事自臻上理。否則。無以培其元氣。小人道長。仇視異己。排斥吾類。勢必釀成人亡國瘁。糜爛不可收拾之局。此有識者。慨念潮流之日。非不禁太息。痛恨於頃城帝制之遺禍。爲之作俑。匹之厲也。余友王君樹承。是燕趙古士。肝膽照人。爲國幾死者。再昭雪後。將同難諸義烈。事略集成。卷帙名爲洪憲慘史。冤獄錄。讀之。使人迴腸九轉。拍案叫絕。夫我國自辛亥政體改革。樹承諸君子。爲國宣勞。不畏強權。主持真正民意。其快易義胆。固多有可風者。使能見用於時。則彼濟濟多士。早使天下人民。飽享共和幸福。乃竟因才見忌。傾陷於軍政執法處。置之死地。生還者僅有六人。烈士獄底冤沉。賢人其誰不裹足。而政府轉得藉此相繼行其使貪使詐。偽造民意之故智。包辦選舉。指定議員。以攷山統一。而演成南北。山南北。而演成各省分裂。摧殘輿論。一念之偏。

而流毒至於此極。殊不知世界大勢。違反民意。則無以自存。固非少數人所得壓制。而不能澎漲者也。嗚呼。獄吏雖尊。無補皇帝之夢。人心未死。終張自治之旗。願我同胞其各猛醒。

民國十年仲夏下尚義裕齋序於无悶書屋

序

國事有奇變。而後有奇冤。有奇冤。而後有奇史。一字一血。一字一淚。吾知讀者必有問天斫地而憤激太息者矣。滿清失政。武昌舉義。血性健兒。奮臂北伐。遂迫宣統退位。躍建共和。命下之日。羣情歡呼。遂使東方而有五色旗之高揚矣。不意袁項城以梟桀之才。擁兵力之厚。恃爪牙之多。計竊總統。復蓄帝制。於是不構黨獄以殘異己。布鷹犬以排輿論。巧聚斂以盡奢侈。擴軍隊以防違抗。種種刀鋸鼎鑊酷辣壓抑之情形。幾爲歷來史乘所未有。吁嗟乎慘矣。吾友王君樹承。奔走國事。三遭縲紲。以所親見親聞。筆爲慘史。較之臆想懸測。當判若天淵。更添讀者善善惡惡之名譽心之慷慨心之熱性心矣。

定縣王用驥識



序

自來權奸竊國。類無不陰賊險狠。暴戾恣睢。凡所謂熱心之志士。命世之英奇。必將搜捕誅夷。爲一網打盡之計。彼乃得縱橫一世。而無敢抗顏行者。噫。慘矣。袁世凱當民國初年。僭竊高位。醉心帝制。惡探橫行。機牢密布。凡有功民國諸君子。往往以莫須有三字。明首西市。而其科甲之輩。冤獄之多。尤以京畿軍政執法處爲最著。王君樹承曾罹其難。乃以目所見耳所聞。舉袁逆之慘無人道。民室之舍命不渝。操事直書。條分件繫。誠足以詠奸諛於既死。發潛德之幽光。則是編也。固袁皇帝之罪鏡。而亦諸志士之表忠箴也。余與樹承久同患難。肝膈相傾。今讀是編。猶爲之怆然心動。云昔顧俠君選元百家詩。夢有古衣冠者數百人。造門拜謝。夫以一詩辭之流播。其感恩且如斯。若乃以經心刻骨。暗無天日之沉冤。有人焉特爲彰聞而表白之。萬世千秋。公評具在。諸先烈英靈不泯。其款款感激更當何如也。

洪憲德史序

民國十年七月香河趙趙子序



二

序

天地正氣。時際衰歇。羣魔以逞。國本將搖。惟賴二三傑出之士。充吾浩然。以扶植正義。經艱險。歷危難。九死一生。素志不移。清操勁節。與日星河。嶽爭光並壽。夫而後世。變得以挽回。國體賴以保存。非然者。正氣泯滅。綱紀陵夷。民賊接踵。叛亂紛乘。舉吾民艱難締造之國家。將隨之而淪亡。神州陸沈。迫云幸福。民國肇建。共和告成。專制流毒。方謂永除。乃不幸袁氏攬政。帝制自爲。改元洪憲。損更國體。斯時也。孽陰播煽。衆邪橫行。助紂爲虐。比比皆是。富於奴隸性根之顯要權貴。上書勸進。稽首稱臣者。無論矣。即號稱民黨。提倡共和之巨子。亦莫不阿附固寵。自首希榮。設會籌安。孰非名流廉恥道喪。於斯爲極。人間正氣蕩然無存。袁氏之惡。實若輩以濟成之也。獨王君樹承。暨同難諸君子。特標異幟。守正不阿。擁護共和。初衷罔替。因以觸當道之忌。必欲羅織而置之死地。勢所必至。復奚疑者。鈞逮令下。善類爲空。當時之非法殺人機關。如軍政執法處者。又

復希承意旨肆逞淫威。黑獄殘酷。不堪言述。而諸君子乃刀鋸鼎鑊。甘之如飴。謂非吾養浩然。不屈威武者。而能若是哉。假令諸君子。隨波逐流。與世推移。僞廷榮。豈可立致也。何必爲是矯情之舉。敝徒尊榮乎。此無他。行其吾心之所安。守護天地之正氣。俾不漸滅耳。苟無是氣。以維持人道。於不敝。吾恐嘔嘔。黷。充奉人寰。而人類或幾乎息矣。何國家之可言正氣猶存。衆邪自消。不旋踵間。洪憲亡。而國體如故。諸君子之義氣磅礴。固凜然常存。是死者有餘光。而生者有餘榮也。吾人今日。猶是民國之民。未始非諸君子扶持正義之賜。耳。過境還。享其成者。未必與其始。而追念罹難。諸君子不免有苑囿殊途之感。義膽俠腸。洵足欽佩。下君樹承虛。諸君子之行事。久而失其真也。於是就當日冤獄中。身經目覩者。哀輯爲錄。用以紀實。嗟夫。世道人心。日漸澆漓。國步方艱。來日大難。吾願諸是書者。振厲正氣。以挽頹風。如諸君子之沈毅堅忍。百折不撓。則吾民國。將永無飄搖之虞。而非法之殺人機關。亦必不至再見於來茲。庶不負王君

編述之微意也。是所望於海內之英傑。
民國十年七月廣元羅鳴希平甫序



